

ADDENDA DO CONVENIO DE COLABORACIÓN ENTRE A AXENCIA TRIBUTARIA DE GALICIA E A FEDERACIÓN GALEGA DE MUNICIPIOS E PROVINCIAS PARA A CESIÓN DE INFORMACIÓN DE CARÁCTER TRIBUTARIO ASÍ COMO DOS DEMAIS INGRESOS DE DEREITO PÚBLICO PARA A CONCESIÓN DE AXUDAS E SUBVENCÍONS E A CONTRATACIÓN COA ADMINISTRACIÓN

REUNIDOS

Dunha parte, D. Miguel Corgos López-Prado, Conselleiro de Facenda en virtude do disposto no Decreto 138/2021, do 16 de outubro, polo que se nomea conselleiro de Facenda e Administracións Públicas, e na súa condición de presidente da Axencia Tributaria de Galicia, en uso das facultades que lle atribúe o artigo 14 do Decreto 202/2012, do 18 de outubro, polo que se crea a Axencia Tributaria de Galicia,

e doutra, D. Alberto Varela Paz, na súa condición de Presidente da FEGAMP, en nome e representación da mesma, no exercicio das competencias atribuídas nos artigos 44 e 46.1b) dos seus Estatutos.

Recoñécense mutua e reciprocamente ambas as dúas partes a capacidade legal necesaria para formalizar o presente Convenio, a cuxo efecto

EXPOÑEN

Primeiro.- Que no marco do disposto nos artigos 3.2, 34.1 g) e 95.1 k) da Lei 58/2003, de 17 de decembro, xeral tributaria, o representante da Axencia Tributaria de Galicia (en diante Atriga) e da Federación Galega de Municipios e



Provincias (en adelante Fegamp) asinaron o 30 de setembro de 2020 un convenio de colaboración para a cesión de información de carácter tributario así como dos demais ingresos de dereito público para a concesión de axudas e subvencións e a contratación coa administración.

Segundo.- Que nestes intres ambas partes consideran necesario modificar o convenio asinado para que as entidades locais asociadas á Fegamp podan obter os certificados de estar ao corrente de pago coa Xunta de Galicia e os certificados de ter presentado declaración do Imposto sobre o Patrimonio para a concesión de axudas e subvencións públicas e a contratación coas Administracións públicas a través do servizo electrónico centralizado na plataforma de intermediación **Pasaxe!** da Xunta de Galicia.

A tal efecto, cómpre modificar as cláusulas sétima, oitava, décimo quinta e décimo sexta do devandito convenio para o que se subscribe a presente addenda.

Polo exposto, as persoas intervincentes acordan a subscripción da presente addenda ao convenio, que se rexerá polas seguintes

CLÁUSULAS

Primeira.- Modificación da cláusula sétima do Convenio

A cláusula sétima do Convenio queda redactada da seguinte forma:

- 1. Para o cumprimento das finalidades descritas na cláusula Segunda, subministrárase, coa periodicidade e contido que se detalla, a seguinte información:*



INFORMACIÓN	PROCEDEMENTO	PERIODICIDADE
- Non ter débedas pendentes en período executivo coa Xunta de Galicia - Non ter presentado declaración do Imposto sobre o Patrimonio ante a Xunta de Galicia	Axudas e subvencións públicas	Modo síncrono (inmediato)
- Non ter débedas pendentes en período executivo coa Xunta de Galicia	Contratos coas Administracións públicas	Modo síncrono (inmediato)

2. - Os principios de eficiencia e minimización de custos que deben rexer a aplicación do presente Convenio obrigan ao tratamento telemático das solicitudes efectuadas polas entidades locais asociadas á Fegamp. A tal fin, a Atriga en colaboración coa Axencia para a Modernización Tecnolóxica de Galicia (en diante Amtega) determinará a aplicación que permita a devandita cesión.

As peticións que se fagan no marco deste convenio deberán conter todos os datos que sexan precisos para identificar claramente aos interesados afectados, a súa autorización expresa para o subministro da información solicitada por parte das entidades locais asociadas á FEGAMP ou, no seu caso, o precepto legal que permite a cesión da información sen consentimento do titular, e o contido concreto da información solicitada, que deberá ser o imprescindible para garantir o axeitado exercicio das funcións que ten atribuídas o ente solicitante da información.



Segunda.- Modificación da cláusula oitava do Convenio

A cláusula oitava do Convenio queda redactada da seguinte forma:

A) Fase inicial:

Tras a sinatura do presente convenio os órganos asministrativos das entidades locais asociadas á FEGAMP deberán remitir a Adhesión ao convenio de acordo co disposto na cláusula décimo quinta.

As entidades locais deberán realizar as adaptacións normativas necesarias para a utilización de Interoperabilidade nos seus procedementos administrativos conforme o previsto nas Leis 39/2015, de 1 de outubro, do procedemento administrativo común das administracións públicas e da Lei 40/2015, de 1 de outubro, réxime xurídico do sector público.

B) Habilitación dos procedementos

A tal efecto enviarase o formulario de habilitación cumprimentado á Amtega conforme o previsto na guía de axuda á implantación da plataforma de intermediación Pasaxe! nas entidades locais, onde se recollen os datos da entidade e o procedemento ou procedementos para os que se vai a realizar a consulta de servizos.

Unha vez habilitado o servizo recibirá confirmación por parte da Amtega.

C) Consulta dos servizos

Unha vez recibida a confirmación da habilitación, previa comprobación da ATRIGA, a entidade local poderá realizar as consultas en Pasaxe!

Terceira.- Modificación da cláusula décimo quinta do Convenio

A cláusula décimo quinta do Convenio queda redactada da seguinte forma:

Tras a firma do presente convenio entre a ATRIGA e a Fegamp, todas as Entidades Locais de Galicia asociadas á Fegamp que o desexen poderán adherirse ao mesmo. Para elo, formalizarán o Protocolo de Adhesión que se achega como ANEXO I a este convenio



ante a Dirección da ATRIGA. A ATRIGA remitirá copia dos Protocolos de Adhesión á FEGAMP.

As entidades locais adheridas ao Convenio terán que tramitar as altas dos seus procedementos de acordo co previsto anteriormente.

As devanditas adhesións serán inscritas no Rexistro de Convenios da Xunta de Galicia regulado no Decreto 126/2006, de 20 de xullo, e será obxecto de publicidade nos termos do artigo 11 da Lei 4/2006, de 30 de xuño, de transparencia e de boas prácticas na Administración pública galega.

Cuarta.- Modificación da cláusula décimo sexta do Convenio.

A cláusula décimo sexta do Convenio queda redactada da seguinte forma:

Este convenio terá una vixencia de catro anos desde a data da súa sinatura. En calquera momento antes da finalización do prazo previsto anteriormente, as partes poderán acordar unanimemente a súa prórroga por un período de ata catro anos adicionais ou a súa extinción.

Para as causas de resolución e efectos desta observase o disposto nos artigos 51 e 52 da Lei 40/2015, do 1 de outubro, de réxime xurídico do sector público.

O convenio tamén poderá ser resolto por denuncia expresa de calquera das partes con tres meses de preaviso.

A presente addenda será inscrita no Rexistro de Convenios da Xunta de Galicia regulado no Decreto 126/2006, de 20 de xullo, e será obxecto de publicidade nos termos do artigo 15 da Lei 1/2016, de 18 de xaneiro, de transparencia e de bo goberno de Galicia.



Os asinantes prestan o seu consentimento para que os datos persoais que consten na addenda, e mailo resto das especificacións contidas no mesmo, poidan ser publicados no Portal da Transparencia e Goberno Aberto.

E, en proba de conformidade as dúas partes firman a presente addenda do Convenio.

POLA AXENCIA TRIBUTARIA DE GALICIA

**POLA FEDERACIÓN GALEGA DE
MUNICIPIOS E PROVINCIAS**

Miguel Corgos López-Prado

Alberto Varela Paz

